



CENTAR ZA MIR I MULTIETNIČKU SARADNJU MOSTAR BOSNA I HERCEGOVINA

Rade Bitange 13
88 000 Mostar

Tel/fax:036 556 280
Tel:036 556 281

centarzamir@cob.net.ba
www.centarzamir.org.ba

Saopštenje za javnost

Upravni odbor Centra za mir i multietničku saradnju Mostar, donio je odluku da se ove godine tradicionalna nagrada

„Mostar peace connection“, dodijeli lideru irske rok grupe U2, Bonu Voxu.

Nagrada Centra za mir, dodjeljuje se Bonu Voxu zbog njegovog dugogodišnjeg i ustrajnog zalaganja za miroljubivo rješavanje konfliktnih situacija u svijetu, pitanja ekstremnog siromaštva, te miroljubivog suživota i koegzistencije različitih etničkih i religijskih grupa širom planete.

Lider grupe U2, Bono Vox, svojim ličnim i angažmanom svjetski poznatih prijatelja, značajno doprinosi realizaciji ideje o Bosni i Hercegovini u kojoj će se svi narodi i građani osjećati slobodno ravnopravno.

Nemjerljiva je uloga Bona Voxa u realizaciji ideje i izgradnje Muzičkog centra Pavaroti u Mostaru. Njegova posjeta našem gradu 1997. godine na ceremoniju otvaranja „Pavaroti centra“, skrenula je pažnju svjetske javnosti na problem obnove grada i povezivanja ratom pokidanih međunacionalnih i međuljudskih odnosa.

Nagradom koju je utemeljio 2004. godine, Centar za mir i multietničku saradnju iz Mostara želi potaknuti napore svih onih koji svojim stavovima i javnim djelovanjem promoviraju ideje miroljubivosti, demokratije i poštivanja ljudskih prava.

Pored Bona Voxa, nagradu Centra za mir već su dobili Vaclav Havel, Alojz Mock, Nelson Mandela i dr. Muhamed El Baradei.

O mjestu i datumu dodjele nagrade javnost će biti blagovremeno obaviještena.

Mostar, 18.08.2009.

Direktor centra za mir

Safet Oručević

Predsjednik Upravnog odbora

Alija Behram